



22. september 2013

Inatsisartut Suleriaasianni § 37 naapertorlugu Naalackersuisunut apeqqutit imaattut matumuuna saqqummiuppakka:

Ilinniartut SU-minnik nunguutsisimasut atugaat pillugit Naalackersuisunut apeqqutit:

1. Naalackersuisut isumaqarpat naapertuuttoq, ilinniartut SU-minnik nunguutsisimasut ilinniarnertik unitsiinnartariaqartarmassuk imaluunniit ilinniarnermik saniatigut sulisariaqartarnerat imminnut pilersorumallutik ilaqutaqarunillu ilaqquttatik pilersorumallugit?

2. Naalackersuisut suliniuteqarniarnerlutik ataatsimik arlalinnilluunniit ilinniartut suli naammassigatik SU-minnik nunguutstillutik ajornartorsiulersimasut ikiorniarlugit?

(Inatsisartunut ilaasortaq Jens B. Frederiksen, Demokraatit)

Tunnqavilersuut

Nunarput nunaqavissunik ilinniarluarsimasunik sulisussanik amingaateqarpoq. Demokraatini tamanna tunnqavigalugu isumaqarpugut aalajangiisartutut akuersaernerusariaqartugut innuttaasut ilinniakkaminnik naammassinnikkusuttut ikiorniarlugit.

Soorunami pitsaanerpaasussaavoq ilinniarlutik aallartissimasut tamarmik naammassisartuuppata piffissaliunneqartup iluani tamatumalu kingorna suliffissarsillutik. Inuilli assigiinngitsuupput aamma inuuneq siumut naatsorsoruminaassinnaasarpog. Ilaannikkut pilersaarutit naapertorlugit inuuneq ingerlaneq ajorpoq. Immaassinnaavoq qitornartaartoqartoq - imaassinnaavoq naappaammik eqqortittoqartoq – aamma imaassinnaavoq ilinniagaq kukkusoq toqqarneqarsimasog.

Pissutaasut amerlasinnaapput ilinniarnarup naammassinngitsoorneranut piffissap iluani, taamaasillunilu SU-mut periarfissaarulluni. Kisianni ajornartorsiutit katersuuttut taamaalinerani piviusuupput. Eqqortuusinnaava ilinniartut ilinniakkaminnik ikerinnakkut unitsiinnartassappata imminnut ilaqquttamilluunniit pilersorsinnaajunnaarnerat pissutigalugu? Eqqortuusinnaava ilinniartut



ilinniarnermik nalaani sulisariaqartassappata allaat kinguneqarsinnaasumik ilinniakkap naammassinngitsoorneranik imaluunniit kingusinaarujussuarluni naammassisariaqalernermik?

Demokraatini isumaqarpugut taamatut pisoqartillugu pisumiik pisumut nalilersuisoqartassasoq soorlu ilinniagaq qanoq ingerlanneqareersimatiginersoq aamma pilersuinissamut suut pisussaaffiunersut.

Inuiaqatigiit aningaasarsiornerat eqqarsaatigalugu Demokraatini isumaqarpugut imminnut akilersinnaanngitsoq innuttaasut iinniarnermik naammassinissaanut piumassusillit uniinnartassappata aningaasarsiornikkut periarfissaqannginneq pissutigalugu.

Apeqqutit akeqquneqarput tigusineraniit ullut sulliviit nalignnaasut qulit qaangiutsinnagit.